



অবিলম্বে প্রকাশের উদ্দেশ্যে: 2/1/2024

গভর্নর ক্যাথি হোকল

যদি আপনি এটি পূর্বে দেখে না থাকেন: এম্পায়ার রিপোর্টে বাজেট ডিরেক্টর ব্লক ওয়াশিংটনের অপ-এড: গভর্নর হোকলের বাজেট স্কুলের অর্থায়নে সাধারণ জ্ঞানকে কাজে লাগায়

আজ, এম্পায়ার রিপোর্ট স্কুলের অর্থায়নে গভর্নর ক্যাথি হোকলের নির্বাহী বাজেট বিনিয়োগের উপর বাজেট বিভাগের ডিরেক্টর ব্লক ওয়াশিংটনের একটি অপ-এড প্রকাশ করেছে। এই নিবন্ধের লেখা নিচে দেওয়া হলো এবং এটি অনলাইনে [এখানে](#) দেখা যাবে।

গভর্নর হোকলের বাজেট স্কুলের অর্থায়নে সাধারণ জ্ঞানকে কাজে লাগায়

স্টেট জুড়ে পরিবারগুলির সত্য জানা উচিত: সহজভাবে বলতে গেলে, নিউ ইয়র্ক স্টেটের ইতিহাসে গভর্নর হোকলের চেয়ে কোনও গভর্নর শিক্ষায় বেশি বিনিয়োগ করেননি। দায়িত্ব নেওয়ার পর থেকে, গভর্নর হোকল দুটি বাজেট প্রণয়ন ও প্রয়োগ করেছেন যা স্টেটের সরকারি স্কুলগুলিতে 5 বিলিয়ন মার্কিন ডলারের বেশি অতিরিক্ত তহবিল প্রদান করেছে। ফলস্বরূপ, তার প্রশাসনই প্রথম প্রশাসন যা 15 বছর আগে প্রতিষ্ঠিত স্কুল ফাউন্ডেশন সহায়তা সূত্রে সম্পূর্ণ অর্থায়ন করেছেন। সরকারি স্কুলগুলির জন্য 35.3 বিলিয়ন মার্কিন ডলারের বর্তমান নির্বাহী বাজেটের প্রস্তাবে একটি নতুন 825 মিলিয়ন মার্কিন ডলারের প্রস্তাব রয়েছে যা স্টেটের ইতিহাসে আমাদের স্কুলগুলিকে সমর্থন করার জন্য সর্বোচ্চ পরিমাণ অর্থায়ন প্রদান করে। বিগত তিনটি প্রণীত বাজেটে অতিরিক্ত স্টেটের বিনিয়োগ এবং অসাধারণ ফেডারেল সাহায্যে অতিরিক্ত 13 বিলিয়ন মার্কিন ডলারের বিনিয়োগের মধ্যে, নিউ ইয়র্কের সরকারি স্কুলগুলি মাত্র তিন বছরেরও বেশি সময়ের মধ্যে 20 বিলিয়ন মার্কিন ডলারের বর্ধিত সহায়তা বাস্তবায়ন করেছে। গভর্নর তার প্রতিশ্রুতি পূরণ করেছেন এবং নিউ ইয়র্কের সরকারি স্কুলগুলি কখনই এর চেয়ে বেশি সংস্থান সম্পন্ন ছিল না।

প্রকৃতপক্ষে, স্কুল জেলাগুলি ব্যয় করার চেয়ে দ্রুত সংস্থানগুলি গ্রহণ করেছে। এই সংক্ষিপ্ত সময়ের মধ্যে সূচকীয় বৃদ্ধি জেলা রিজার্ভের দ্রুত বৃদ্ধিকে ত্বরান্বিত করেছে, যা স্টেটব্যাপী তহবিল ব্যালেন্স দ্বারা প্রমাণিত হয়েছে যা সম্প্রতি মাত্র তিন বছরে **2.7 বিলিয়ন মার্কিন ডলার** বেড়েছে, স্টেটব্যাপী রিজার্ভ এখন মোট 10.5 বিলিয়ন মার্কিন ডলার বা জেলাগুলির বাজেটের 24 শতাংশ। যদিও স্টেটের আইন জেলাগুলিকে অপ্রত্যাশিত খরচের জন্য মজুত রাখার জন্য একটি পরিমিত স্তরের রিজার্ভ রাখার অনুমতি দেয়, জেলাগুলিতে এখন **প্রায় 1 বিলিয়ন মার্কিন ডলার** উদ্বৃত্ত রিজার্ভ রয়েছে যা সংবিধিবদ্ধ সীমার চেয়ে বেশি।

স্টেটের স্কুল সহায়তা সূত্র সামগ্রিক তালিকাভুক্তি, শিক্ষার্থীদের প্রয়োজন এবং জেলার সম্পদ সহ বিভিন্ন কারণের উপর ভিত্তি করে জেলাগুলিকে অর্থায়ন প্রদান করে। এই পদ্ধতিতে বিনিয়োগ নিশ্চিত করে যে নিউ ইয়র্ক স্টেট তার সম্পদগুলিকে সবচেয়ে বেশি প্রয়োজন এমন জেলাগুলিতে বণ্টনের অগ্রাধিকার দেয়।

স্টেটের আইনে একটি পৃথক ধারা জেলাগুলির সম্পদ, শিক্ষার্থীদের প্রয়োজন, বা জনসংখ্যার পরিবর্তন বিবেচনা না করেই পূর্ববর্তী বছরে যতটা ফাউন্ডেশন সহায়তা পেয়েছিল অন্তত সেই পরিমাণ সহায়তা জেলাগুলিকে প্রদান করে। অবশ্যই, যেহেতু এই বিধানের দ্বারা আরও বেশি জেলাগুলিকে "নিরাপদ রাখা হচ্ছে" - যার ফলে ফাউন্ডেশন সহায়তা সূত্রকে উপেক্ষা করা হচ্ছে - শেষ পর্যন্ত উচ্চ-চাহিদার স্কুল জেলাগুলির শিক্ষার্থীদের জন্য বা আকারে ক্রমবর্ধমান জেলাগুলির জন্য পরিণামে কম স্টেট সংস্থানসমূহ উপলভ্য থাকছে।

নিউ ইয়র্ক দেশের অন্য যেকোনো স্টেটের তুলনায় আমাদের তরুণদের শিক্ষিত করার জন্য বেশি বিনিয়োগ করে এবং ব্যাপক ব্যবধানে। স্টেটটি শিক্ষার্থী প্রতি 26,500 মার্কিন ডলারের বেশি খরচ করে, যা জাতীয় গড় থেকে 85% বেশি। একই সময়ে যখন স্টেট আমাদের তরুণদের শিক্ষিত করার জন্য আরও বেশি ব্যয় করেছে, 2014 সাল থেকে আমাদের স্কুলগুলিতে নথিভুক্তি প্রায় 10% হ্রাস পেয়েছে। এমন একটি সময়ে যখন একটি উল্লেখযোগ্য বাজেটের ব্যবধান অপসারণ করার জন্য কঠিন সিদ্ধান্তের প্রয়োজন, তখন এই কারণগুলি অবশ্যই সমীকরণের অংশ হতে হবে।

বেশিরভাগ জেলার জন্য রেকর্ড পরিমাণ নগদ অর্থ হাতে থাকার সময়ে, সাধারণ জ্ঞান নির্দেশ করে যে নির্বাহী বাজেট দীর্ঘমেয়াদে এই কঠিন প্রশ্নটি কীভাবে মোকাবেলা করা যায় সে সম্পর্কে একটি কথোপকথন শুরু করবে, একই সময়ে স্টেটকে আরও অনেক সেবা ক্ষেত্রে বিনিয়োগ চালিয়ে যাওয়ার সুযোগ দেবে যে পরিষেবাগুলির উপর নিউ ইয়র্কের পরিবারগুলি নির্ভর করে। করদাতাদের এরচেয়ে কম প্রত্যাশা করা উচিত নয়।

দুই বছর ধরে স্টেটের ব্যয়ের অভূতপূর্ব বৃদ্ধির পর, নির্বাহী বাজেট গভর্নর হোকলের প্রথম দুটি বাজেটে প্রাপ্ত বিজয়গুলিকে সংরক্ষণ করতে চায়, একই সময়ে রাজস্বের সাথে ব্যয়কে সারিবদ্ধ করে, এইভাবে আমাদের স্টেটের অর্থনৈতিক পরিকল্পনাকে স্থায়িত্বের পথে রাখে। প্রস্তাবিত বাজেট 4.3 বিলিয়ন মার্কিন ডলারের ব্যবধান দূর করে পাশাপাশি সামগ্রিক বিনিয়োগ প্রায় 4.5 শতাংশ বৃদ্ধি করে; এটি জননিরাপত্তা এবং জনস্বাস্থ্যের প্রতি গভর্নর হোকলের প্রতিশ্রুতি অব্যাহত রাখে, মানসিক স্বাস্থ্য পরিষেবাগুলিতে অ্যাক্সেস প্রসারিত করে এবং আমাদের শিশুদের একটি মানসম্পন্ন শিক্ষা দেওয়ার জন্য প্রয়োজনীয় সংস্থান সরবরাহ করে।

"আমাদের স্কুলগুলো আর কত টাকা পাচ্ছে?" এই প্রশ্ন করার পরিবর্তে, প্রশ্ন করা উচিত "কেন আমাদের কাছে এমন একটি সূত্র আছে যা আমাদেরকে এমন শিক্ষার্থীদের জন্য অর্থ প্রদান করতে বাধ্য করে যাদের অস্তিত্ব নেই?" এই কঠিন কথোপকথনগুলিতে গভর্নর সাধারণ জ্ঞান প্রবেশ করানোর চেষ্টা করছেন যখন আমরা এই আসন্ন বাজেট সম্পর্কে জেলা, পরিবার, আইনসভা এবং স্টেকহোল্ডারদের সাথে আলোচনা করছি। শুধুমাত্র তখনই আমরা বাস্তব, টেকসই সমাধান খুঁজে পেতে পারি যার উপর নিউ ইয়র্কের করদাতারা নির্ভর করে এবং

পাশাপাশি যা নিশ্চিত করবে যাতে আমাদের শিক্ষকরা নিউ ইয়র্কবাসীদের পরবর্তী প্রজন্মকে
শিক্ষিত করার জন্য প্রয়োজনীয় সংস্থানগুলি পান।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)